



Na osnovu čl. 25. i 74. Statuta Općine Centar Sarajevo – prečišćeni tekst („Službene novine Kantona Sarajevo“, broj 23/04), člana 19. Odluke o izvršavanju Budžeta Općine Centar Sarajevo za 2026. godinu („Službene novine Kantona Sarajevo“, broj 52/25), člana 8. Pravilnika o uslovima, kriterijima i postupku ostvarivanja prava na refundaciju troškova kupovine plastenika broj: 16-11-3648/26 od 03.06.2026. godine i Odluke o pokretanju postupka raspisivanja i provođenja javnog poziva broj: 16-11-3648/26 od 28.05.2026. godine, Općinski načelnik Općine Centar Sarajevo, objavljuje:

JAVNI POZIV

za refundaciju troškova kupovine plastenika na području Općine Centar Sarajevo

I

PREDMET JAVNOG POZIVA

Predmet Javnog poziva je dodjela novčanih sredstava iz Budžeta Općine Centar Sarajevo za 2026. godinu, za refundaciju troškova kupovine plastenika površine 18 m², u cilju razvoja poljoprivredne proizvodnje i podrške samozapošljavanju na području Općine Centar Sarajevo.

II

PRAVO UČEŠĆA

Pravo na učešće po Javnom pozivu imaju fizička lica sa prebivalištem na području Općine Centar Sarajevo, vlasnici obrta registrovanog za obavljanje poljoprivredne djelatnosti, upisani u RPG i RK (Registar poljoprivrednih gazdinstava i Registar klijenata) i ažurirani do 31.03.2026. godine, koji ispunjavaju uslove propisane ovim Javnim pozivom.

Pravo na refundaciju troškova kupovine plastenika ne mogu ostvariti kandidati koji su u ranijem periodu najmanje 4 (četiri) godine od raspisivanja ovog javnog poziva ostvarili pravo na donaciju, dodjelu ili sufinansiranje nabavke plastenika od bilo kojeg nivoa vlasti, humanitarnih i drugih institucija i organizacija.

III

ODOBRAVANJE SREDSTAVA I ROK U KOJEM SE PRAVO NA REFUNDACIJU SREDSTAVA MOŽE OSTVARITI

- (1) Sredstva za realizaciju Projekta planirana su u Budžetu Općine Centar Sarajevo za 2026. godinu u iznosu od 29.848,89 KM, a nakon okončanja javnog poziva za sufinansiranje i finansiranje kupovine plastenika na području Općine Centar Sarajevo. Dodijeljena sredstva ne predstavljaju državnu pomoć u smislu Zakona o sistemu državne pomoći. Ukoliko se utvrdi da sredstva predstavljaju državnu pomoć u smislu propisa o državnoj pomoći, ista će se dodijeliti u skladu sa relevantnim propisima, uključujući pravila o de minimis pomoćima. Fizička lica i obrtnici sa prebivalištem/sjedištem na području Općine Centar Sarajevo, upisana u Registar poljoprivrednih gazdinstava i Registar klijenata, ostvaruju pravo na

refundaciju troškova kupovine plastenika sa dodatnom opremom maksimalnog iznosa do 1.500 KM sa PDV-om za platenik površine 18 m². Isplata iz Budžeta Općine vrši se do utroška raspoloživih sredstava.

IV USLOVI ZA DODJELU SREDSTAVA

(1) Pravo na refundaciju troškova kupovine plastenika mogu ostvariti kandidati koji ispunjavaju sljedeće uslove:

- a) fizička lica i obrtnici (vlasnici obrta) sa prebivalištem, odnosno poslovnim sjedištem na području Općine Centar Sarajevo, upisana u Registar poljoprivrednih gazdinstava i Registar klijenata u nadležnoj službi Općine Centar Sarajevo i koja su izvršila ažuriranje podataka do 31.03.2026.godine.
- b) da je kandidat korisnik (vlasnik, posjednik ili zakupac poljoprivrednog zemljišta po osnovu ugovora o zakupu/korištenju zaključenog na period od najmanje 5 godina) minimalno 50 m² poljoprivrednog zemljišta pogodnog za plateničku proizvodnju, na teritoriji Općine Centar Sarajevo. Poljoprivredno zemljište na kojem se namjerava postaviti platenik mora zadovoljiti sljedeće karakteristike:
 - 1. da je pogodno za plateničku proizvodnju;
 - 2. da se ne nalazi u brdovitom području pod nagibom;
 - 3. da ima osiguran pristup izvorištu vode ili vodovodnoj mreži.
- c) da kandidat nije ostvario pravo na donaciju/dodjelu, finansiranje/sufinansiranje pri kupovini plastenika u posljednje 4 godine od bilo kojeg nivoa vlasti u BiH, udruženja, fondacija i drugih organizacija;
- d) da će kandidat kupljeni platenik zadržati u vlasništvu najmanje 3 godine od dana ostvarivanja podsticaja.

NAPOMENA: Kandidati koji nisu u mogućnosti dostaviti potpunu prijavu u predviđenom roku obavezni su u momentu podnošenja prijave učiniti izvjesnim razloge zbog kojih nisu bili u mogućnosti podnijeti potpunu prijavu. U navedenom slučaju, cijeneći navedene razloge, kandidatu može biti određen naknadni rok za upotpunu prijave.

V SADRŽAJ POTREBNE DOKUMENTACIJE

Kandidat koji želi ostvariti pravo na refundaciju kupovine plastenika obavezan je dostaviti sljedeću dokumentaciju (original ili ovjerena kopija):

- 1. obrazac zahtjeva za refundaciju kupovine plastenika potpisan od podnosioca zahtjeva;
- 2. dokaz o pravu vlasništva, zakupu ili drugom zakonitom osnovu korištenja poljoprivrednog zemljišta (zemljišnoknjižni izvadak ne stariji od 6 mjeseci, ugovor o zakupu/korištenju zemljišta sa ili bez naknade zaključen na period od najmanje 5 godina sa zemljišnoknjižnim izvatkom);
- 3. rješenje nadležnog organa kojim se odobrava obavljanje poljoprivredne djelatnosti, koje nadležna Služba pribavlja po službenoj dužnosti (za obrte);

4. ovjerena izjava podnosioca zahtjeva da u posljednje 4 godine od raspisivanja javnog poziva, nije ostvario pravo na donaciju, finansiranje/sufinansiranje pri kupovini plastenika od bilo kojeg nivoa vlasti u BiH, udruženja, fondacija i drugih organizacija;
5. ovjerena izjava podnosioca zahtjeva da će kupljeni plastenik zadržati u vlasništvu najmanje 3 godine od dana potpisivanja Ugovora;
6. faktura i fiskalni račun dobavljača plastenika sa pratećom opremom izdati u periodu od 01.01.2026. godine do dana zatvaranja javnog poziva, sa jasno naznačenom površinom plastenika, specifikacijom opreme, ukupnom cijenom;
7. dokaz o aktivnom i otvorenom računu u banci (za tekuću godinu);
8. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim poreskim obavezama za tekuću godinu.

Dokumenti koji se prilažu moraju biti originali ili ovjerene kopije. Prijavni obrazac se može preuzeti na info pultu Općine Centar i na sljedećem linku: <https://www.centar.ba/javni-pozivi-i-konkursi>.

VI NAČIN I ROK ZA PODNOŠENJE ZAHOTJEVA

Javni poziv ostaje otvoren 15 (petnaest) dana od dana objavljivanja Javnog poziva u dnevnom listu, web stranici, oglasnoj ploči Općine Centar Sarajevo i oglasnim pločama mjesnih zajednica. Popunjeni zahtjevi sa potrebnom dokumentacijom se podnose u zatvorenoj koverti na protokol Općine Centar Sarajevo ili preporučeno putem Pošte na adresu:

Općina Centar Sarajevo
Mis Irbina 1
71000 Sarajevo
Sa naznakom „Javni poziv za refundaciju troškova kupovine plastenika na području Općine Centar Sarajevo“
„NE OTVARAJ“

Komisija će biti imenovana iz reda državnih službenika, a svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnositelja prijave, a podnosioci prijave imaju mogućnost prijaviti sumnju na postojanje sukoba interesa. Konačnu odluku o refundaciji troškova kupovine plastenika na području Općine Centar Sarajevo donosi Općinski načelnik, a u skladu sa važećom Odlukom o izvršavanju budžeta Općine.

VII PRAVO PRIGOVORA

Podnosioci zahtjeva mogu u roku od osam dana od dana objavljivanja preliminarne liste na web stranici i oglasnoj ploči Općine Centar Sarajevo, podnijeti pismeni prigovor Komisiji za razmatranje prigovora koju imenuje općinski načelnik iz reda državnih službenika. Odluku o prigovoru, Komisija će donijeti u istom roku, računajući od dana njegovog podnošenja. Nakon okončanog postupka po prigovorima Općinski načelnik donosi konačnu odluku, na osnovu koje se izrađuju Ugovori o raspodjeli sredstva. Na osnovu Ugovora nadležna služba za finansije vrši isplatu sredstava.

Neblagovremeni zahtjevi /prijave neće biti razmatrane.

VIII OSTALE ODREDBE

Općina Centar Sarajevo ne snosi bilo kakve troškove u postupku prikupljanja i podnošenja prijava na Javni poziv. Općina Centar Sarajevo ne snosi odgovornost prema učesnicima Javnog poziva u pogledu aktivnosti koje su preuzeli u cilju apliciranja. Prispjela dokumentacija se ne vraća podnosiocu. Sve dodatne informacije u vezi Javnog poziva zainteresovana lica mogu pozvati Službu za privredu i poslovne prostore-Odsjek za privredu na broj telefona: 033/562-512, ili e-mail: semira.halilovic@centar.ba.

Općinski načelnik

Srđan Mandić